



## **Li Banneri di cannavazzu**

**Na vota c'eranu li Banneri / ca si taliavanu quasi chiangiennu  
rappresentavanu spiranzi e idiali / canusciuti in tuttu lu munnu  
miliuna di genti a iddri cridiva / comu simbulu di liberta  
c'era puru cu avissi murutu / pi cunvinzioni e pi fidita.**

**Pi antri sti cosi sannu di muffa / parlanu sulu di bisiniss e grana  
pronti a cangiari Bannera e partitu / si sutta li piedi la terra frana  
ni li partiti chistu succedi / ogni vota ca lu vientu cangia  
passanu lestu a n'antra banna / picchi mpurtanti è lu mangia mangia.**

**Povira Italia, Caniatti midemma / cu governa cerca sulu l'affari sò  
spatulianu ammatula senza ritegnu / inghiennu la panza chiossa ca si pò  
si sunnu scupruti fannu li gnorri / spargiennu la testa di cinirazzu  
ma scritti restanu ni lu libru di storia / comu Banneri di cannavazzu.**

**Settiemmru 2008**

**Indice poesie: <http://www.solfano.it/treppiedi/index.html>**

**Pagina principale: <http://www.solfano.it>**